

Leksyon

1



"ANG BIBLIYA"

UNSAON PAGTUON ANG MGA LEKSYON

Basaha pag-una ang tanang pangutana niining leksyon.

Isunod pagbasa ang tibook nga leksyon.

Katapusan, sag-uloha ang matag pangutana ug ang tubag niini, ug ang mga bersikulo sa bibliya nga may tulpok sa tupad.

1. Kinsa ang nagsulat sa basahon nga gitawag nga Bibliya?

- Ang mga balaang tawo sa Dios.

2 Pedro 1:21. Minandoan sa Espiritu Santo nanagpanulti ang mga Balaang tawo sa Dios.

2. Pipila ka bahin ang Bibliya?

- Ang Bibliya nabahin sa duruha ka mga basahon, ang Daan nga Pakigsaad (39 ka mga basahon) ug ang Bag-ong Pakigsaad nga may 27 ka mga basahon. Tanan, adunay 66 ka mga basahon.

3. Unsay kalainan sa Bibliya sa ubang mga basahon?

- Mao lang kini ang bugtong basahon sa tibuok nga kalibutan nga gituga sa Dios.

2 Timoteo 3:16. Ang tibuok nga kasulatan gituga sa Dios, ug may kapuslanan alang sa pagpanudlo, alang sa pagpanulid ug alang sa pagmatuto sa pagkamatarung.

4. Nganong ang Dios Naghatag Kanato ug Bibliya?

- Ang Bibliya gihatag sa Dios aron sa pagtultol kanato sa dalan sa kaluwasan, ug aron sa pagtudlo kanato unsaon sa pagkinabuhi alang kaniya.

Salmo 119:105, 11. Ang imong pulong maoy lamparahan sa akong mga tiil, ug

kahayag sa akong alagianan. Sa akong kasingkasing ginatipigan ko ang imong pulong aron dili ako makasala batok kanimo.

Ang Imong Pagabuhaton

1. Kon wala pa nimo mabasa ang pasiunang leksyon buhata kini karon.
2. Sag-uloha kining mosunod:
 - * Ang mga dagkung doctrina sa Bibliya.
 - * Ang mga nag-unang bersikulo nga nagtudlo sa mga dagkung doctrina.
 - * Pagtubo sa imong espirituhanong kinabuhi.
 - * Pagtabang sa uban aron sila makakaplag sa Ginoo ug moalagad kaniya.
3. Tapus nimo masag-ulo ang mga bersikulo maghangyo ka ug usa ka higala o igsoon sa pagtamod sa basahon kon husto ba, samtang ikaw magsag-ulo niini. Apan kon ikaw lamang usa, isulat nimo ang imong nasag-ulo ug susiha kon husto ba.
4. Sa diha nga husto na gayud ang imong pagkasag-ulo, sugdan na nimo ang pagtubag sa mga pangutana sa Talaan sa Tinun-an alang sa Leksyon I.

Kon ang basahon dili imong kaugalingon, kopyaha ang Talaan sa Tinun-an aron maoy imong gamiton.